



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-2-40-205-2/26**
Datum: **18.05.2026. godine**

„Agencija za vodno područje rijeke Save“ Sarajevo rješavajući po zahtjevu pravnog lica „Ekomondo“ d.o.o. Gradačac, za izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada farme za uzgoj brojlera, koja se planira graditi u Gornjim Ledenicama, Gradačac, na osnovu člana 109. stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj saglasnosti**

1. Pravnom licu „Ekomondo“ d.o.o. Gradačac, daje se vodna saglasnost za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada farme za uzgoj brojlera, koja se planira graditi u Gornjim Ledenicama, Gradačac, 29 900 pilića po turnusu, na zemljištu označenom kao k.č. broj: 357 K.O. Gornje Ledenice, u skladu sa projektnom dokumentacijom:
 - Glavni projekat vanjskih hidroinstalacija farme za uzgoj brojlera Gornje Ledenice, Gradačac, pravnog lica „Ekomondo“ d.o.o. Gradačac, urađen od strane JP za vodoprivredu „SPREČA“ d.d. Tuzla, april 2026. godine, revidovan od strane „ATRIUS“ d.o.o. Živinice, maj 2026. godine, a u postupku pribavljanja odobrenja za gradnju.
2. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola, od strane drugih nadležnih organa, a sve u skladu sa važećim zakonskim propisima, odlukama i dr.
3. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. ovog Rješenja koja je sastavni dio ovog rješenja i ista se, u skladu sa odredbama člana 114. stav (3) Zakona o vodama, ovjerena od strane ove Agencije vraća investitoru na trajno čuvanje i sastavni je dio ovog rješenja.
4. Vodna saglasnost se daje pod sljedećim uslovima:
 - 4.1. Radove na izgradnji objekata i sistema za prikupljanje, odvođenje i prečišćavanje otpadnih voda sa lokacije farme za uzgoj brojlera sa pratećim sadržajima izvesti u skladu sa ovjerenom projektnom dokumentacijom iz tačke 1. dispozitiva ovog Rješenja.
 - 4.2. Nakon izvođenja radova na sistemu prikupljanja, odvodnje i prečišćavanja otpadnih voda kao i na objektu za smještaj tečnog i krutog otpada, potrebno je izvršiti ispitivanja kvaliteta izvedenih radova na vodonepropusnost i bezbjednost od curenja, a u cilju zaštite površinskih i podzemnih voda.
 - 4.3. Način ugradnje uređaja za prečišćavanje tehnoloških otpadnih voda i stavljanje istog u pogon uskladiti sa proizvođačem opreme.
 - 4.4. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njihove obale.
 - 4.5. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim.
 - 4.6. Prilikom izvođenja radova treba koristiti opremu i mašine koje su tehnički ispravne i bez curenja tečnih goriva, maziva, hidrauličkih ulja i sl.
 - 4.7. Predvidjeti da se sav nastali otpad prikuplja i zbrinjava u skladu sa važećim propisima o postupanju sa otpadom.
 - 4.8. Podnosilac zahtjeva je obavezan ispoštovati uslove iz Rješenja o urbanističkoj saglasnosti broj: 06/2-19-1-4696/25 od 20.04.2026. godine izdato od strane Gradske službe za komunalne poslove i prostorno uređenje, Grad Gradačac.
5. Ukoliko se u toku izvođenja radova i korištenja predmetnog objekta prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.

6. Investitor je obavezan pridržavati se svih mjera i uslova, propisanih u ovoj vodnoj saglasnosti i saglasnostima izdatim od drugih nadležnih organa.
7. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19, 41/20 i 63/22).
8. Ova vodna saglasnost prestaje važiti istekom roka od dvije godine od dana pravosnažnosti ovog rješenja, ukoliko u tom periodu ne bude pribavljeno odobrenje za gradnju i započeta izgradnja objekata u skladu sa glavnim projektom iz tačke 1. dispozitiva ovog rješenja.
9. Ova vodna saglasnost može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev.

Obrazloženje

Pravno lice „Ekomondo“ d.o.o. Gradačac, pismenim zahtjevom od 06.05.2026. god., zatražilo je izdavanje vodne saglasnosti za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku izgradnje i rada farme za uzgoj brojlera, koja se planira graditi u Gornjim Ledenicama, Gradačac, Gradačac, 29 900 pilića po turnusu, na zemljištu označenom kao k.č. broj: 357 K.O. Gornje Ledenice, a u postupku pribavljanja odobrenja za gradnju.

U provedenom postupku, uz zahtjev za izdavanje vodne saglasnosti dostavljena je slijedeća dokumentacija:

A. Opšta dokumentacija

- Kopija uplatnice administrativne takse,
- Rješenje o izmjenama podataka broj: 032-0-Reg-26-000321 od 09.04.2026 godine izdato od strane Općinski sud u Tuzli-ovjerena kopija,
- Rješenje o prethodnoj vodnoj saglasnosti broj: UP-1/21-1-40-497-5/25 od 18.12.2025. godine izdato od strane «Agencije za vodno područje rijeke Save» Sarajevo-kopija,
- Rješenje broj: UPI 05/1-02-19-4-13/26 od 08.04.2026 godine izdato od strane Federalnog ministarstva okoliša i turizma,
- Rješenje o urbanističkoj saglasnosti broj: 06/2-19-1-4696/25 od 20.04.2026 godine izdato od strane Gradske službe za komunalne poslove i prostorno uređenje, Grad Gradačac-ovjerena kopija,
- Uvjerenje broj: 02/112/2026 od 02.02.2026 godine izdato od strane JP „Komunalac“ d.d. Gradačac,
- Glavni projekat u elektronskoj formi.

B. Tehnička dokumentacija

- Glavni projekat vanjskih hidroinstalacija farme za uzgoj brojlera Gornje Ledenice, Gradačac, pravnog lica „Ekomondo“ d.o.o. Gradačac, urađen od strane JP za vodoprivredu „SPREČA“ d.d. Tuzla, april 2026. godine,
- Konačni izvještaj o reviziji projektne dokumentacije od strane „ATRIUS“ d.o.o. Živinice, maj 2026. godine.

U provedenom postupku konstatovano je sljedeće:

- Planirani objekat će se graditi u naselju Gornje Ledenice, Gradačac, na parceli označenoj kao k.č. br. 357 K.O. Gornje Ledenice. Kapacitet farme je 29900 pilića po turnusu.
- Otpadne vode koje će nastajati nakon pranja objekta će biti zagađene, u veoma malim količinama, nutrijentima, organskim materijama, suspendovanim materijama, te tragovima sredstava za dezinfekciju.
- Otpadne vode nastale na manipulativnom platou, otpadne vode iz objekta, te procjedne vode iz bazena za čvrsti otpad će se odvoditi u osočaru. Osočara je vodonepropusni betonski bazen zapremine 6 m³ i nalazit će se pored bazena za privremeno deponovanje čvrstog otpada iz objekta.
- Otpad nastao nakon čišćenja objekta i nakon svakog turnusa će se privremeno odlagati u izbetonirani vodonepropusni bazen, zapremine 135 m³, nakon čega se koristi za potrebe poljoprivrednih aktivnosti i đubrenja.

- Uginuli brojleri će se zbrinjavati u namjenske kontejnere koji će se nalaziti u blizini objekta. Investitor je dužan zaključiti ugovor sa operaterom koji će preuzimati uginule brojlere te dalje tretirati prema zakonskim propisima.

Osnovni podaci za izgradnju postrojenja i sam proces definisan je u investiciono tehničkoj dokumentaciji navedenoj u tački B. ovog rješenja urađenoj od strane JP za vodoprivredu „SPREČA“ d.d. Tuzla, april 2026. godine, revidovan od strane „ATRIUS“ d.o.o. Živinice, maj 2026. godine.

Podnosilac zahtjeva je pribavio Rješenje o urbanističkoj saglasnosti od nadležnog organa čime potvrđuje da predmetna lokacija nije u koliziji sa planskim dokumentima grada Gradačac.

Urbanističke uslove za izgradnju predmetnog poslovnog objekta, podnosiocu zahtjeva je nadležni organ propisao kroz izdato Rješenje o urbanističkoj saglasnosti.

Za predmetnu aktivnost je izdato Rješenje o prethodnoj vodnoj saglasnosti broj: UP-1/21-1-40-497-5/25 od 18.12.2025. godine od strane «Agencije za vodno područje rijeke Save» Sarajevo na ime Huskić Emir iz Gradačca.

U dokaznom postupku utvrđeno je da je projektna dokumentacija urađena u skladu sa uslovima iz Rješenja o prethodnoj vodnoj saglasnosti, broj: UP-1/21-1-40-497-5/25 od 18.12.2025. godine, izdato od strane «Agencije za vodno područje rijeke Save» Sarajevo, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na istu.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog rješenja, propisani uslovi koje je potrebno ispuniti tokom izvođenja radova, shodno odredbama člana 114. Zakona o vodama, te člana 7. Pravilnika o sadržaju, obliku, uslovima, načinu izdavanja i čuvanja vodnih akata.

Podnosilac zahtjeva je uplatio upravnu taksu u iznosu od 60 KM u skladu sa članom 7. stav 1. tarifni broj 43. Zakona o federalnim upravnim taksama („Službene novine F BiH“, broj 6/98, 8/00, 45/10, 43/13).

Uputa o pravnom lijeku

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od 15 (petnaest) dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta: Behija Ahmedić dipl.ing.tehn.

Po ovlaštenju
Rukovodilac sektora za izdavanje vodnih akata


Nihad Pezo, dipl.inž.građ.

Dostaviti:

- Ekomondo d.o.o. Gradačac, Gornje Ledence 166, Gradačac (Prilog - Ovjerena Tehnička dokumentacija navedena pod tačkom B obrazloženja Rješenja)
- ⊖ AVP Sava, ISV - Vodna knjiga
- Sektor 40, arhiva
- Oglasna tabla AVP-Sava Sarajevo